

比丘比丘尼七年立心正住四念處者彼必得二果或現法得究竟竟智或有餘得阿那含置七年六五四三二一年若有比丘比丘尼七月立心正住四念處者彼必得二果或現法得究竟竟智或有餘得阿那含置七月六五四三二一年若有比丘比丘尼七月立心正住四念處者彼必得二果或現法得究竟竟智或有餘得阿那含置七月六五四三二一月若有比丘比丘尼七日七夜立心正住四念處者彼必得二果或現法得究竟智或有餘得阿那含置七月六五四三二置一日一夜若有比丘比丘尼少少須臾頃立心正住四念處者彼朝行如是暮必得昇進暮行如是朝必得昇進佛說如是被諸比丘聞佛所說歡喜奉行

念處經第二竟

十八
未

中阿含經卷第二十四

第二小土城誦興四朱

瑟曇上音葛又草上音萬連續不斷也稠亂上密也反忽
七缸反交龍於離夭於小反少晃
速也蛟似蛇有足猗反日反各
上胡廣反下名絳必盲反彈逼力
昇余荀反天名繩墨日反彼
反各

中阿含經卷第二十五

第二小土城訥
興五

因品苦陰經第三

東晉劉賓三藏瞿曇僧伽提婆譯

我聞如是一時佛遊舍衛國在勝林給孤獨園爾時諸比丘於中食後少有所爲集坐講堂於是衆多異學中後彷徉往詣諸比丘所

共相問訊却坐一面語諸比丘諸賢沙門瞿曇施設知斷欲施設知斷色施設知斷覺諸賢我等亦施設知斷欲施設知斷色施設知斷覺沙門瞿曇及我等此二知二斷爲有可勝有何差別於是諸比丘聞彼衆多異學所說不是亦不非默然起去並作是念如此所說我等當從世尊得知便詣佛所稽首作禮却坐一面謂與衆多異學所可共論盡向佛說彼時世尊告諸比丘汝等即時應如是問衆多異學諸賢云何欲味云何欲患云何欲出要云何色味云何色患云何色出要云何覺味云何覺患云何覺出要諸比丘若汝等作如是問者彼得聞已便更互相難說外餘事瞋諍轉增必從座起嘿然而退所以者何我不見此世天及魔梵沙門梵志一切餘衆能知此義而發遣者唯有如來如來弟子或從此聞佛言云何欲味謂因五欲功德生樂生喜極是欲味無復過是所患甚多云何欲

患族姓子者隨其技術以自存活或作田業或行治生或以學書或明算術或知工數或巧刻印或作文章或造手筆或曉經書或作勇將或奉事王彼寒時則寒熱時則熱飢渴疲勞蚊蟲所蟄作如是業求圖錢財彼族姓子如是方便作如是行作如是求若不得錢財者便生憂苦愁感懊惱心則生癡作如是說唐作唐苦所求無果彼族姓子如是方便作如是行作如是求若得錢財者彼便愛惜作如是行作如是求若得錢財者彼便愛惜守護密藏所以者何我此財物莫令王奪賊劫火燒腐壞云失出財無利或作諸業而不成就彼作如是守護密藏若有王奪賊劫火燒腐壞云失便生憂苦愁感懊惱心則生癡作如是說若有長夜所可愛念者彼則云失是謂現法苦陰因欲緣欲以欲爲本後次衆生因欲緣欲以欲爲本故母共子諍子共母諍父子兄弟姊妹親族展轉共諍彼既如是共闖諍已母說子惡子說母惡父子兄弟姊

妹親族更相說惡況復他人是謂現法苦陰
因欲緣欲以欲爲本復次衆生因欲緣欲以
欲爲本故王王共諍梵志梵志共諍居士居
士共諍民民共諍國國共諍彼因鬪諍共相
憎故以種種器仗轉相加害或以拳扱石擲
或以杖打刀斫彼當鬪時或死或怖受極重

苦是謂現法苦陰因欲緣欲以欲爲本復次
衆生因欲緣欲以欲爲本故著鎧被抱持稍
弓箭或執刀盾入在軍陣或以象鬪或馬或
車或以步軍或以男女鬪彼當鬪時或死或
怖或極重苦是謂現法苦陰因欲緣欲以欲
爲本復次衆生因欲緣欲以欲爲本故著鎧
被抱持稍弓箭或執刀盾往奪他國攻城破
塢共相格戰打鼓吹角高聲喚呼或以椎打
或以鉤戟或以利輪或以箭射或亂下石或
以大弩或以融銅珠子灑之彼當鬪時或死
或怖受極重苦是謂現法苦陰因欲緣欲以
欲爲本復次衆生因欲緣欲以欲爲本故著

鎧被抱持稍弓箭或執刀盾入村入邑入國
入城穿牆發藏劫奪財物斷截王路或至他
巷壞村害邑滅國破城於中或爲王人所捉
種種拷治截手截足或截手足截耳截鼻或
截耳鼻或鑿鑿割拔鬚拔髮或拔鬚髮或著
檻中衣裏火燒或以沙壅草纏火炳或內鐵
三只五

驢腹中或著鐵猪口中或置鐵虎口中燒或
安銅釜中或著鐵釜中煮或段段截或利叉
刺或鐵鉤鉤或卧鐵床以沸油燒或坐鐵臼
以鐵杵擣或龍蛇蟄或以鞭鞭或以杖撲或
以棒打或生貫高標上或梟其首彼在其中
或死或怖受極重苦是謂現法苦陰因欲緣
欲以欲爲本復次衆生因欲緣欲以欲爲本
故行身惡行行口意惡行彼於後時疾病著
床或坐卧地以苦逼身受極重苦不可愛樂
彼若有身惡行口意惡行彼臨終時在前覆
障猶日將沒大山崗側影障覆地如是彼若
有身惡行口意惡行在前覆障彼作是念我

本惡行在前覆我我本不作福業多作惡業若使有人作惡凶暴唯爲罪不作福不行善無所畏無所依無所歸隨生處者我必生彼從是有悔悔者不善死無福命終是謂現法苦陰因欲緣欲以欲爲本復次衆生因欲緣欲以欲爲本故行身惡行行口意惡行彼因身口意惡行故因此緣此身壞命終必至惡處生地獄中是謂後世苦陰因欲緣欲以欲爲本是謂欲患云何欲出要若斷陰欲捨離於欲滅欲盡度欲出要是謂欲出要若有沙門梵志欲味欲患欲出要不知如真者彼終不能自斷其欲況復能斷於他欲耶若有沙門梵志欲味欲患欲出要知如真者彼既自能除亦能斷他欲云何色味若刹利女梵志居士工師女年十四五彼於少時美色最妙若因彼美色緣彼美色故生樂生喜極是色味無復過是所患甚多云何色患若見彼姝而於後時極大衰老頭白齒落背偻脚戾

柱杖而行盛壯日衰壽命垂盡身體震動諸根毀熟於汝等意云何若本有美色彼滅生思耶答曰如是復次若見彼姝疾病著床或生卧地以苦逼身受極重苦於汝等意云何若本有美色彼滅生患耶答曰如是復次若見彼姝死或一二日至六七日烏鵲所啄猶狼所食火燒埋地悉爛腐壞於汝等意云何若本有美色彼滅生患耶答曰如是復次若見彼姝息道骸骨青色爛腐餘半骨鎖在地於汝等意云何若本有美色彼滅生患耶答曰如是復次若見彼姝息道離皮肉血唯筋相連於汝等意云何若本有美色彼滅生患耶答曰如是復次若見彼姝息道骨節解散散在諸方足骨脣骨髀骨髓骨脊骨肩骨頸骨髑髏骨各在異處於汝等意云何若本有美色彼滅生患耶答曰如是復次若見彼姝息道骨白如螺青猶鵠色赤若血塗腐壞碎末於汝等意云何若本有美色彼滅生患耶

答曰如是是謂色患云何色出要若斷除色

捨離於色滅色色盡度色出要是謂色出要

若有沙門梵志色味色患色出要不知如真者彼終不能自斷其色況復能斷於他色耶

若有沙門梵志色味色患色出要知如真者彼既自能除亦能斷他色云何覺味比丘者

離欲離惡不善之法至得第四禪成就遊彼

於爾時不念自害亦不念害他若不念害者是謂覺樂味所以者何不念害者我謂是樂是謂覺味云何覺患覺者是無常法苦法滅法是謂覺患云何覺出要若斷除覺捨離於

覺滅覺覺盡度覺出要是謂覺出要若有沙

五

門梵志覺味覺患覺出要不知如真者彼終不能自斷其覺況復能斷於他覺耶若有沙門梵志覺味覺患覺出要知如真者彼既自能除亦能斷他覺佛說如是彼諸比丘聞佛所說歡喜奉行

苦陰經第三竟

中阿含因品苦陰經第四

第二小土城誦

我聞如是一時佛遊釋鞞瘦在加維羅衛尼拘類園爾時釋摩訶男中後彷彿往詣佛所

誓首佛足却坐一面白曰世尊我如是知世尊法令我心中得滅三穢染心穢恚心穢癡心穢世尊我如是知此法然我心中復生染

法恚法癡法世尊我作是念我有何法不滅令我心中復生染法恚法癡法耶世尊告曰摩訶男汝有一法不滅謂汝住在家不至信捨家無家學道摩訶男若汝滅此一法者汝必不住在家必至信捨家無家學道汝因一法不滅故住在家不至信捨家無家學道於

是釋摩訶男即從座起偏袒著衣叉手向佛白世尊曰唯願世尊為我說法令我心淨除疑得道世尊告曰摩訶男有五欲功德可愛可念歡喜欲相應而使人樂云何為五謂眼知色耳知聲鼻知香舌知味身知觸由此令王及王眷屬得安樂歡喜摩訶男極是欲味

無復過是所患甚多摩訶男云何欲患摩訶
男族姓子者隨其技術以自存活或作田業
或行治生或以學書或明算術或知工數或
巧刻印或作文章或造手筆或曉經書或作
勇將或奉事王彼寒時則寒熱時即熱飢渴
疲勞蚊蟲所蟄作如是業求圖錢財摩訶男
此族姓子如是方便作如是行作如是求若
不得錢財者便生憂苦愁感懊惱心則生癢
作如是說唐作唐苦所求無果摩訶男彼族
姓子如是方便作如是行作如是求若得錢
財者彼便愛惜守護密藏所以者何我此財
物莫令王奪賊劫火燒腐壞亡失出財無利

六五

六

或作諸業而不成就彼作如是守護密藏若
使王奪賊劫火燒腐壞亡失彼便生憂苦愁
感懊惱心則生癢作如是說若有長夜所可
愛念者彼則壬失摩訶男如是現法苦陰因
欲緣欲以欲爲本摩訶男復次衆生因欲緣
欲以欲爲本故母共子諍子共母諍父子兄

六五

七

闡彼當闢時或死或怖受極重苦摩訶男是
謂現法苦陰因欲緣欲以欲爲本摩訶男復
次衆生因欲緣欲以欲爲本故著鎧被袍持
稍弓箭或執刀盾往奪他國攻城破塉共相
格戰打鼓吹角高聲喚呼或以椎打或以鋒
戟或以利輪或以箭射或亂下石或以大弩

弟姊妹親族展轉共諍彼旣如是共闢諍已
母說子惡子說母惡父子兄弟姊妹親族更
相說惡況復他人摩訶男是謂現法苦陰因
欲緣欲以欲爲本摩訶男復次衆生因欲緣
欲以欲爲本故王王共諍梵志梵志共諍居
士居士共諍民民共諍國國共諍彼因闢諍
共相憎故以種種器仗轉相加害或以拳杖
石擲或以杖打刀斫彼當闢時或死或怖受
極重苦摩訶男是謂現法苦陰因欲緣欲以
欲爲本摩訶男復次衆生因欲緣欲以欲爲
本故著鎧被袍持稍弓箭或執刀盾入在軍
陣或以象闢或馬或車或以步軍或以男女

或以融銅珠子灑之彼當鬪時或死或怖受極重苦摩訶男是謂現法苦陰因欲緣欲以欲爲本摩訶男復次衆生因欲緣欲以欲爲本故著鎧被袍持矟弓箭或執刀盾入村邑入國入城穿牆發藏劫奪財物斷截王路或至他巷壞村害邑滅國破城於中或爲王者所捉種種拷治截手截足或截手足截耳截鼻或截耳鼻或纏繻割拔鬚拔髮或拔鬚髮或著檻中衣裹火燒或以沙壅草纏火燄或內鐵驢腹中或著鐵猪口中或置鐵虎口中燒或安銅釜中或著鐵釜中煮或段段截或利叉刺或鐵鈎鉤或卧鐵床以沸油澆或坐鐵臼以鐵杵擣或龍蛇蟄或以鞭鞭或以杖撻或以棒打或生貫高標上或梟其首彼在其中或死或怖受極重苦摩訶男是謂現法苦陰因欲緣欲以欲爲本摩訶男復次衆生因欲緣欲以欲爲本故行身惡行行口意惡行彼於後時疾病著床或坐卧地以苦逼

身受極重苦不可愛樂彼若有身惡行口意惡行彼臨終時在前覆障猶日將沒大山崗側影障覆地如是彼若有身惡行口意惡行在前覆障彼作是念我本惡行在前覆我我本不作福業多作惡業若使有人作惡羌暴唯爲罪不作福不行善無所畏無所依無所歸隨生處者我必生彼從是有悔悔者不善死無福命終摩訶男是謂現法苦陰因欲緣欲以欲爲本摩訶男復次衆生因欲緣欲以欲爲本故行身惡行行口意惡行彼因身口意惡行故因此緣此身壞命終必至惡處生地獄中摩訶男是謂後世苦陰因欲緣欲以欲爲本摩訶男是故當知欲一向無樂無量苦患多聞聖弟子不見如真者彼爲欲所覆不得捨樂及無上息摩訶男如是彼多聞聖弟子因欲退轉摩訶男我知欲無樂無量苦患我知如真已摩訶男不爲欲所覆亦不爲惡所纏便得捨樂及無上息摩訶男是故我

異五

不因欲退轉摩訶男一時我遊王舍城住鞞多羅山仙人七葉屋摩訶男我於晡時從宴坐起往至廣山則於彼中見衆多尼捷行不坐行常立不坐受極重苦我往問曰諸尼捷汝等何故行此不坐行常立不坐受如是苦彼如是說瞿曇我有尊師尼捷名曰親子彼則教我作如是說諸尼捷等汝若宿命有不善業因此苦行故必當得盡若今身妙行護口意妙行護因緣此故不復作惡不善之業摩訶男我復問曰諸尼捷汝等信尊師無有疑惑摩訶男我復問曰尼捷若爾者汝等尊師尼捷本重作惡不善之業彼本作尼捷死今生人間出家作尼捷行不坐行常立不坐受如是苦如汝等輩及弟子也彼復語我曰瞿曇樂不因樂要因苦得如頻鞞娑羅王樂沙門瞿曇不如也我復語曰汝等癡狂所說無義所以者何汝等不善無所曉了而不知

時謂汝作是說如頻鞞娑羅王樂沙門瞿曇不如也尼捷汝等本應如是問誰樂勝爲頻鞞娑羅王爲沙門瞿曇耶尼捷若我如是說我樂勝頻鞞娑羅王不如者尼捷汝等可得作是語如頻鞞娑羅王樂沙門瞿曇不如也彼諸尼捷即如是說瞿曇我等今問沙門瞿曇誰樂勝爲頻鞞娑羅王爲沙門瞿曇耶我復語曰尼捷我今問汝隨所解答諸尼捷等於意云何頻鞞娑羅王可得如意靖默無言因是七日七夜得歡喜使樂耶尼捷答曰不也瞿曇六五四三二一日一夜得歡喜使樂耶尼捷答曰不也瞿曇復問曰尼捷我可得如意靜嘿無言因是一日一夜得歡喜使樂耶尼捷答曰如是瞿曇二三四五六七日七夜得歡喜使樂耶尼捷答曰如是瞿曇我復問曰諸尼捷等於意云何誰樂勝爲頻鞞娑羅王爲是我耶尼捷答曰瞿曇如我等受解

九

興五

也摩訶男因此故知欲無樂有無量苦患若多聞聖弟子不見如真者彼爲欲所覆惡不善所纏不得捨樂及無上息摩訶男如是彼多聞聖弟子爲欲退轉摩訶男我知欲無樂有無量苦患我知如真已不爲欲所覆亦不爲惡不善法所纏便得捨樂及無上息摩訶男是故我不爲欲退轉佛說如是釋摩訶男

及諸比丘聞佛所說歡喜奉行

苦陰經第四竟

中阿含因品增上心經第五 第二小土城誦

我聞如是一時佛遊舍衛國在勝林給孤獨園尔時世尊告諸比丘若比丘欲得增上心者當以數數念於五相數念五相已生不善念即便得滅惡念滅已心便常住在內止息一意得定復次比丘念相善相應若生不善念者彼觀此念惡有災患此念不善此念是惡此念智者所惡此念若滿具者則不得通不得覺道不得涅槃令生惡不善念故彼如是

觀惡已生不善念即便得滅惡念滅已心便常住在內止息一意得定猶人年少端正可一意得定云何爲五比丘者念相善相應若生不善念者彼因此相復更念異相善相應令不生惡不善之念彼因此相更念異相善相應已生不善念即便得滅惡念滅已心便

常住在內止息一意得定猶木工師木工弟子彼持墨繩用綺於木則以利斧斫治令直如是比丘因此相復更念異相善相應令不生惡不善之念彼因此相更念異相善相應令不生不善念即便得滅惡念滅已心便常住在內止息一意得定若比丘欲得增上心者

具五

十

善此念是惡此念智者所惡此念若滿具者則不得通不得覺道不得涅槃令生惡不善念故彼如是觀惡已生不善念即便得滅惡念滅已心便常住在內止息一意得定若比丘欲得增上心者當以數數念此第二相念此相已生下善念即便得滅惡念滅已心便常住在內止息一意得定復次比丘念相善相應時生不善念觀念惡患時亦生不善念不念念時復生不善念者彼比丘爲此念當以思行漸減其念令不生惡不善之念彼爲此念當以思行漸減念已生不善念即便得滅惡念滅已心便常住在內止息一意得定猶人行道進路急速彼作是念我何爲速我今寧可徐徐行耶彼即徐行復作是念我何爲徐行寧可住耶彼即便住復作是念我何爲住寧可坐耶彼即便坐復作是念我何爲坐寧可卧耶彼即便卧如是彼人漸漸息身鹿行當知比丘亦復如是彼爲此念當以思行漸減其念令不生惡不善之念彼爲此念當以思行漸減念已生不善念即便得滅惡念滅已心便常住在內止息一意得定若比丘欲得增上心者當以數數念此第三相念此相已生不善念即便得滅惡念滅已心便常住在內止息一意得定復次比丘念相善

具五

十一

常住在內止息一意得定復次比丘念相善相應時生不善念觀念惡患時亦生不善念不念念時復生不善念者彼比丘爲此念當以思行漸減其念令不生惡不善之念彼爲此念當以思行漸減念已生不善念即便得滅惡念滅已心便常住在內止息一意得定猶人行道進路急速彼作是念我何爲速我今寧可徐徐行耶彼即徐行復作是念我何爲徐行寧可住耶彼即便住復作是念我何爲住寧可坐耶彼即便坐復作是念我何爲坐寧可卧耶彼即便卧如是彼人漸漸息身鹿行當知比丘亦復如是彼爲此念當以思行漸減其念令不生惡不善之念彼爲此念當以思行漸減念已生不善念即便得滅惡念滅已心便常住在內止息一意得定若比丘欲得增上心者當以數數念此第四相念此相已生不善念即便得滅惡念滅已心便常住在內止息一意得定復次比丘念相善

相應時生不善念觀念惡患時亦生不善念
不念念時亦生不善念當以思行漸減念時
復生不善念者彼比丘應如是觀比丘者因
此念故生不善念彼比丘便齒齒相著舌逼
上齶以心修心受持降伏令不生惡不善之
念彼以心修心受持降伏已生不善念即便

得滅惡念滅已心便常住在內止息一意得

定猶二力士捉一羸人受持降伏如是比丘

齒齒相著舌逼上齶以心修心受持降伏令
不生惡不善之念彼以心修心受持降伏已
生不善念即得滅惡念滅已心便常住在
內止息一意得定若比丘欲得增上心者當

具五

十三

以數數念此第五相念此相已生不善念即
便得滅惡念滅已心便常住在內止息一意
得定若比丘欲得增上心者當以數數念此
五相數念五相已生不善念即便得滅惡念
滅已心便常住在內止息一意得定若比丘
念相善相應時不生惡念觀念惡患時亦不

生惡念不念念時亦不生惡念若以思行漸
減令時亦不生惡念以心修心受持降伏時
亦不生惡念者便得自在欲念則念不念則
不念若比丘欲念則念不欲念則不念者是
謂比丘隨意諸念自在諸念跡佛說如是彼
諸比丘聞佛所說歡喜奉行

增上心經第五竟

中阿含因品念經第六

第二小王城誦

我聞如是一時佛遊舍衛國在勝林給孤獨
園尔時世尊告諸比丘我本未覺無上正真
覺時作如是念我寧可別諸念作二分欲念
恚念害念作一分無欲念無恚念無害念復
作一分我於後時便別諸念作二分欲念恚
念害念作一分無欲念無恚念無害念復作
一分我如是行在遠離獨住心無放逸修行
精勤生欲念我即覺生欲念自害害他二俱
害滅慧多煩勞不得涅槃覺自害害他二俱
害滅慧多煩勞不得涅槃便速滅復生恚念

具五

十三

害念我即覺生恚念害念自害害他二俱害
滅慧多煩勞不得涅槃覺自害害他二俱害
滅慧多煩勞不得涅槃便速滅我生欲念不
受斷除吐生恚念害念不受斷除吐所以者
何我見因此故必生無量惡不善之法猶如
春後月以種田故放牧地則不廣牧牛兒放
牛野澤牛入他田牧牛兒即執杖往遮所以
者何牧牛兒知因此故必當有罵有打有縛
有過失也是故牧牛兒執杖往遮我亦如是
生欲念不受斷除吐生恚念害念不受斷除
吐所以者何我見因此故必生無量惡不善
之法比丘者隨所思隨所念心便樂中若比
丘多念欲念者則捨無欲念以多念欲念故
心便樂中若比丘多念恚念害念者則捨無
恚念無害念以多念恚念害念故心便樂中
如是比丘不離欲念不離恚念不離害念者
則不能脫生老病死愁憂啼哭亦復不能離
一切苦我如是行在遠離獨住心無放逸修

行精勤生無欲念我即覺生無欲念不自害
不害他亦不俱害修慧不煩勞而得涅槃覺
不自害不害他亦不俱害修慧不煩勞而得
涅槃便速修習廣布復生無恚念無害念我
即覺生無恚念無害念不自害不害他亦不
俱害修慧不煩勞而得涅槃覺不自害不害
他亦不俱害修慧不煩勞而得涅槃便速修
習廣布我生無欲念多思念生無恚念無害
念多思念我復作是念多思念者身之喜忘
則便損心我寧可治內心常住在內止息一
意得定令不損心我於後時便治內心常住
在內止息一意得定而不損心我生無欲念
已復生念向法次法生無恚念無害念已復
生念向法次法所以者何我不見因此生無
量惡不善之法猶如秋後月收一切穀訖牧
牛兒放牛野田時作是念我牛在羣中所以
者何牧牛兒不見因此故當得罵詈得打得
縛有過失也是故彼作是念我牛在羣中我

亦如是生無欲念已復生念向法次法生無
恚念無害念已復生念向法次法所以者何
我不見因此生無量惡不善之法比丘者隨
所思隨所念心便樂中若比丘多念無欲念
者則捨欲念以多念無欲念故心便樂中若
比丘多念無害念無害念者則捨恚念害念

以多念無恚念無害念故心便樂中彼覺觀
已息內靖一心無覺無觀定生喜樂得第二
禪成就遊彼離喜欲捨無求遊正念正智而
身覺樂謂聖所說聖所捨念樂住定得第三
禪成就遊彼樂滅苦滅喜憂本已滅不苦不
樂捨念清淨得第四禪成就遊彼如是定心
清淨無穢無煩柔軟善住得不動心趣向漏
盡通智作證便知此苦如真知此苦集知此
苦滅知此苦滅道如真亦知此漏如真知此
漏集知此漏滅知此漏滅道如真彼如是知
如是見已則欲漏心解脫有漏無明漏心解
脫解脫已便知解脫生已盡梵行已立所作

已辦不更受有知如真此比丘離欲念離恚
念離害念則得解脫生老病死愁憂啼哭離
一切苦猶如一無事處有大泉水彼有羣鹿
遊住其中有一人來不爲彼羣鹿求義及饒
益求安隱快樂塞平正路開一惡道作大坑
塗使人守視如是羣鹿一切死盡復有一人

異五

十五

來爲彼羣鹿求義及饒益求安隱快樂開平
正路閉塞惡道却守視人如是羣鹿普得安
濟比丘當知我說此喻欲令知義慧者聞喻
則解其趣此說有義大泉水者謂是五欲愛
念歡樂云何爲五眼知色耳知聲鼻知香舌
知味身知觸大泉水者當知是五欲也大羣
鹿者當知是沙門梵志也有一人來不爲彼
求義及饒益求安隱快樂者當知是魔波旬
也塞平正路開一惡道者是三惡不善念欲
念恚念害念也惡道者當知是三惡不善念
復更有惡道謂八邪道邪見乃至邪定是爲
八作大坑塗者當知是無明也使人守者當

知是魔波旬眷屬也復有一人來爲彼求義及饒益求安隱快樂者當知是如來無所著等正覺也閑塞惡道閑平正路者是三善念無欲念無恚念無害念也道者當知是三善念復更有道謂八正道正見乃至正定是爲八比丘我爲汝等閑平正路閑塞惡道填平

坑塗除却守人如尊師所爲弟子起大慈哀憐念愍傷求義及饒益求安隱快樂者我今已作汝等亦當復自作至無事處山林樹下空安靜處宴坐思惟勿得放逸勤加精進無今後悔此是我之教勅是我訓誨佛說如是彼比丘聞佛所說歡喜奉行

念經第六竟

中阿含經卷第二十五

第三小土城誦興五

訊問也空也

拳杖臣貟反以拳加人也

稍駕車兵之上也

鎧甲

被袍

下

唐苦徒

唐

毛反也
擗也
古厄反也
椎打反也
鉢戰上直追也
上音牟下也
也
也
也
也
也

一
弓弓反
燭而季及燒
融銅上余繡割上
塞也
金一鑄澆古沃也
呂反下
搥陟爪反
棒蒲講
山背儻下呂生反
脚戾下零帝反
名脹上
國降反
羈瘦上
脚病曲惡也
腳戾下零帝反
知向反
坑塗下十七焰反
長坑也

十六末

中阿含經卷第二十六 第三小土城誦 興六

東晉罽賓三藏瞿曇僧伽提婆譯

因品師子吼經第七

我聞如是一時佛遊拘樓瘦在劍磨瑟曇拘樓都邑爾時世尊告諸比丘此中有第一沙門第二第三第四沙門此外更無沙門梵志

一

獨

異道一切空無沙門梵志汝等隨在衆中作如是正師子吼比丘或有異學來問汝等諸賢汝有何行有何力有何智令汝等作如是說此有第一沙門第二第三第四沙門此外更無沙門梵志異道一切空無沙門梵志汝等隨在衆中作如是正師子吼比丘汝等應